

宦蹟

後漢鮑昱字文泉上黨屯留人司隸校尉永子有智略
武初青犢賊據太行太守戴斌請署守高都長昱應之
遂討擊羣賊誅其渠帥道路開通祖宣父永及昱俱官
司隸校尉號鮑氏三驄

晉李叡字幼黃隴西人徙京兆少有合聞以門蔭擢高都
長清儉化民在官常布衣蔬食觀者不知爲貴介子也
後擢上黨太守唐高平守研文殊皆其裔也

鳳臺縣志

卷之五

宦蹟

元魏裴仲規河東聞喜人延儁從祖弟也少好經史有志
節咸陽王禧爲司州牧辟仲規爲主簿仍表行建興郡
事車駕自代還洛次於郡境仲規備共帳朝於路側高
祖詔仲規曰朕開置神畿郡望崇重卿旣首應司隸美
舉復督我名邦何能自致也仲規對曰陛下窮神盡聖
應天順民棄彼元壤來宅紫縣臣方罄心力躍馬吳會
冀功銘帝籍勲書王府豈一邑而已高祖笑曰冀卿必
副此言車駕達河梁見咸陽王謂曰昨得汝主簿爲南
道主人六軍豐贍元弟之寄殊副所望後征義陽戰沒



贈河東太守謚貞

裴衍字文舒河東聞喜人學識優於諸兄才行亦過之事親孝兼有將略仕齊主蕭寶卷魏宣武景明二年歸國請隱嵩高詔許之世宗末出山肅宗除散騎侍郎尋遷建興太守轉河內太守衍立二郡廉貞寡欲善撫百姓以母憂解任吏民追思之

司馬悅字慶宗楚之子自司空司馬出爲建興太守明決能察疑獄遷豫州刺史雪部民張堤之寃捕真盜置於法其英斷多類此後封漁陽縣開國子

鳳臺縣志

卷之五

宦蹟

二

司馬子如字遵業河內溫人徙雲中少機警有口辨好交游豪傑與神武相結托分誼甚深孝昌中爲介朱榮所禮遇以爲司馬假平南將軍二次高都榮以建興險阻往來衝要後顧之憂以子如行建興太守當郡都督累進封陽平郡公高祖起義信都遣使啟賀叙舊尋追赴京以爲大行臺僕射恃恩任情後自行厲改甚有聲譽發奸摘僞寮吏畏之齊受禪封須昌縣公

辛祥字萬福隴西狄道人祖紹先并州刺史父鳳達祥少舉秀才司空行參軍太傅元丕爲并州刺史祥爲丕府

屬辟行建興郡遷平北府司馬會刺史喪朝廷以其公清越長史勅行州事初任司馬有白壁迎兵藥道顯被誣爲賊官推處咸以爲然祥曰盜面有悲色折獄以色其此之謂乎苦執申之月餘別獲真盜後除郢州長史義陽太守

陸士廉字季修代人建安王俱之後幼有志操剛正不少阿永安末官建州平北府長史介朱世隆率衆來攻與太守陸希質悉力拒守城陷世隆屠其民士廉死之希質獲免

鳳臺縣志

卷之五

官蹟

三

慕容昇字僧寶契之子官建興太守撫綏有方百姓安之歷遷征虜將軍甚得邊民情

楊擲字顯進正平高涼人周主宇文泰以擲有謀略堪委邊任乃表行建州事時建州遠在敵境三百餘里擲威恩夙著所經之處多並贏糧從之比至建州衆已一萬東魏刺史車折于洛出兵逆戰擲擊敗之卽授建州刺史却退魏將侯景師復授建州刺史鎮車箱及齊王高歡圍玉壁別令侯景趣齊子嶺擲恐入寇邵郡率騎禦之景聞擲至斫木斷路者六十餘里猶驚而不安遂退

還河陽其見憚如此後進授晉建二州大都督周主邕
保定四年遷少師其年大軍圍洛陽擲率義兵萬餘人
出軹關然擲自鎮東境二十餘年數與齊人戰每常克
以此遂有輕敵之心時洛陽未下而擲深入敵境又不
設備齊人奄至大破擲軍擲以衆敗遂降於齊擲之立
勲也有慷慨壯烈之志及軍敗遂就虜以求苟免時論
以此鄙之周主猶錄其功不以爲罪 按府志楊擲後
有高平郡太守李遠考西魏高平係屬隴西無關建州
故刪之

鳳臺縣志

卷之五

宦蹟

四

北齊韓賢字普賢廣寧石門人壯健有武用隨余朱世隆
除鎮遠將軍屯騎校尉改建州石門皆有功普泰初徒
廣州刺史神武起義賢與有舊潛通誠款太昌初以光
祿大夫出爲建州刺史再轉荆洛死於盜賢雖武將不
甚貪暴所歷雖無善政不爲吏民所苦卒贈侍中尙書
司空

李密字元化趙州平棘人祖父世爲達官少有節操以蔭
補郡守時余朱擅權棄官歸神武起義以兵從授建州
刺史有惠政

趙起字興洛廣平人父達幽州錄事參軍起沉毅有幹用
齊神武建義旗起典籤定州段榮軍事世祖嗣事出爲
建州刺史累遷侍中顯祖踐祚罷州還闕雖歷位九卿
居腹心之寄常乃心民瘼痼瘵在身天保初轉太常卿
加六州都督武平中卒於官

蓋豐洛并人文宣爲太原公時給事左右與知家務號曰
蓋將後爲主書專令訪察并省尙書都合史遷建州別
駕甚有時譽

北周裴孝仁河東聞喜人幼聰敏涉經史起家舍人爲長
寧鎮將捍禦齊人有威邊之名建德末遷建州刺史

鳳臺縣志

卷之五

宦蹟

五

元景山字瑤岳河南洛陽人祖燮魏安定王父琰宋安王
景山少有器局幹略過人周閔帝時從大司馬賀蘭祥
擊吐谷渾以功拜撫軍將軍其後數從征伐累功遷儀
同三司加開府建州刺史宋安郡公入隋拜上柱國

隋李士萬字俊超姑藏人祖彥魏秦州刺史父燮齊司徒
士萬以蔭起家初爲兵曹參軍擢高都太守治理煩劇
甚有能名按隋初仍高平郡開皇三年置澤州唐書與
隋書不同存以俟考

田式字顯標馮翊下邳人性剛果多武藝年十八授都督領鄉兵拜渭南太守政嚴猛吏人重足而立無敢犯法者親故屏跡請托不行武帝聞而喜之從帝平齊累功加上開府遷建州刺史入隋仕終廣州總管按式在北周守建州自應列於周考其生平政尚猛厲亦強幹之吏也隋書入酷吏傳或以其處家多慘刻歟

李雄字毗盧趙郡高邑人祖猛魏大中大夫父徽伯齊陝州刺史陷於周隨軍入長安雄少慷慨有大志家世并以學業自通雄獨善騎射周太祖時釋褐輔國將軍

鳳臺縣志

卷之五

宦蹟

六

州刺史入隋爲司會中大夫以淮南之功加位上開府拜鴻臚卿進爵高都郡公食邑二千戶雄當官正直侃然有不可犯之色吏民稱焉子公挺襲爵按隋初仍周制有高平無高都姑仍府志

伊婁諫字彥恭鮮卑人少有志節文帝爲周相時授亳州總管俄徵還京旣平王謙謙恥與逆人同名因爾稱字及文帝受禪拜彥恭爲大將軍進爵爲公尋出爲澤州刺史清約自處甚得人和以疾去職吏民攀戀行數百里不絕後數歲卒於家子傑嗣

房恭懿字慎言河南洛陽人性沉深有局量達於從政開皇初以蕪威薦授新豐令政爲三府之最時雍州諸縣令每朔朝謁文帝見恭懿必呼至榻前訪以理人之術蕪威重薦之超授澤州司馬有異績尋遷德州司馬帝每嘉嘆嘗謂諸朝使曰房恭懿志存體國愛養我百姓恭懿所在之處百姓視之如父母當令天下模範之卿等宜師教也

唐長孫順德無忌族叔太宗起兵以功進左驍衛大將軍封薛國公李孝常謀反坐與交削籍帝閱功臣圖見其

鳳臺縣志

卷之五

宦蹟

七

像憐之遣視順德方頽然醉遂召爲澤州刺史復爵邑順德素少檢至是折節爲政以嚴明稱先時守長多通餉問順德繩擿無所容遂爲良吏前刺史張長貴趙士達占部中腴田數十頃奪之以給單貧民尋坐累還第喪息女感疾大病卒贈荊州都督諡曰襄

韓王元嘉高祖子好學友愛修身潔已高宗末轉澤州刺史嘗爲妃房氏祈福修彌勒佛像磨崖爲碑命子黃國公譔篆書

皇甫曙字履道元和十一年登第寶歷間崔從鎮淮南辟

爲行軍司馬薦授澤州刺史與白居易友善在州多題咏數以詩驛寄居易徃反相唱和一時稱之

盧僎吏部侍郎從愿之從父也初爲聞喜尉累遷至澤州刺史蘇頲餞以詩稱其辭賦勗爲循吏後入爲學士吏部卽亦有贈蘇八給事出守徐州詩

呂牧東平人永泰二年擢進士第自評事遷尙書卽出爲澤州刺史作太行苦熱行獨孤及尙和其韻在官以儒雅爲政百姓安之

竇牟扶風平陵人與弟庠先後爲澤州刺史以儒雅蒞政

鳳臺縣志

卷之五

宦蹟

八

工詩兄弟五人號連珠集 按新舊唐書及宰相世系表俱有牟庠名未言澤州刺史以其見於全唐詩小傳故載之

王思禮營州城傍高麗人少習戎旅從郭子儀收復兩京以功擢澤潞節度使乾元初安慶緒寇澤思禮追戰至相州敗之九節度兵潰滏水惟光弼思禮兩軍獨全與史思明戰直千嶺大敗其軍上元二年以疾終謚武烈思禮長於文計立法嚴整士卒不敢犯時議稱之

楊德幹高宗永歷澤潞齊汴管四州刺史治尙威郡人爲之

語曰寧食三斗蒜不逢楊德幹

李塢雍州長史新興王晉司功也晉遇害寮吏皆奔散惟
塢步從仍哭其屍姚崇聞之曰樂向之儔也擢尚書郎
轉澤州刺史

宋王憲明皇之兄歷澤涇等州刺史恭謹畏慎未嘗干預
時政及與人交結

岑翔澤州刺史先天元年太上皇命有司頒賜諸州朝集
使之善政者翔與同州刺史成太陝州刺史陸餘慶及
魏州刺史單遠思宋州刺史劉智柔等各受賜物一百

鳳臺縣志

卷之五

宦蹟

九

段

李研字探幽先隴西人徙京兆天寶初任高平太守時初
併長平高都爲郡諸多草創研與民相休息安靜不擾
民便之後十餘年孫文殊復來守郡有惠政郡人稱爲
大小李君

溫璠字守璵河內溫人宰相彥博季子高宗末以父彥博
蔭仕澤州刺史澤地磽确多旱災璠訪諸父老得古龍
潭齊宿祈禱甘雨立沛民皆德之建祠潭上立碑紀其
事後仕至駕部郎中二兄瓚璩以進士釋褐故璠得以

蔭仕云

李抱玉本安興貴曾孫世居河西李光弼引爲裨校討安祿山有功上言恥與逆臣共宗詔賜姓擢陳鄭潁亳節度代宗立兼澤潞統相衛儀邢十一州兵僞燕史朝義寇澤州抱玉敗之以功受司空武威郡王懇辭王爵徙涼國公平吐蕃羣盜權鳳翔節度抱玉兼三節度副元帥位望隆赫每讓位許之在鎮禁暴安人爲將臣之良卒年七十四贈太保諡昭武

李抱真抱玉從弟沉慮而斷抱玉屬以軍事授汾州別駕

鳳臺縣志

卷之五

宦蹟

十

以薦起郭子儀策遷陳鄭澤潞留後更授澤州刺史兼澤潞節度副使徙懷乃爲懷澤潞觀察留後凡八年抱真策山東有變澤潞兵所走集乘戰伐後賦重人困軍伍彫剝乃籍戶三丁之一蠲其徭租給弓矢令閒月得曹偶習射歲終大校親按籍第能否賞責比二年皆爲精兵舉所部得成卒二萬旣不廩於官而府庫實乃曰軍可用矣繕甲淬兵遂雄山東天下稱昭義步兵爲諸軍冠久之爲澤潞節度行軍司馬興元中進義陽郡王抱真喜士聞世賢者必欲與之游雖小善皆卑禮厚幣

數千里邀致之晚好神仙術餌丹二萬丸卒詔贈太僕
李德裕言先後鎮澤潞者李抱玉抱真皆儒術大臣故
卒賴其忠以定國

曲環陝州安邑人客隴右少喜兵法資勇敢善騎射安祿
山反從魯炅守鄧州與賊武令珣力戰破之加左清道
率從李抱玉屯河陽又自將兵守澤州破賊銳將安曉
拜羽林將軍與諸將討史朝義平河北累轉金吾大將
軍

杜兼字處宏澤潞判官幼時遭安祿山之亂逃入終南山

鳳臺縣志

卷之五

宦蹟

十一

兼伯父存介爲賊執臨刑兼號呼願爲奴以贖遂皆免
然性浮險爲濠州刺史時妄殺無罪僚屬衆皆寃之兼
有從弟曰羔貞元初進士其父死河北母更兵亂不知
所之羔憂號終日及兼爲澤潞判官鞠獄有媼辨對不
凡乃羔母羔因得奉養而不知父墓區處晝夜哀慟他
日舍佛祠觀柱間有文字乃其父臨死記墓所在羔奔
往亦有耆老識其壠因是乃得塋

後梁徐懷玉亳州焦夷人少事梁與梁主朱溫俱起微賤
懷玉素以雄豪自任而勇於戰陣爲梁名將本名琮溫

賜其名曰懷玉初為齊州防禦使遷右羽林統軍屯於澤州晉人攻之為隧以進懷玉擊之隧中晉人乃却俄拜保大軍節度使

後唐裴約以裨將守澤州死事有傳載藝文

後晉康延昭仕晉主石敬瑭為尚食改散指揮都虞侯出為澤州刺史

季漢李萬超并州太原人幼孤貧負販以養母晉主石敬瑭起并門萬超應募戰累擢從討楊光遠飛石中腦氣不屬者久之開運中拒契丹於陽城流矢貫手超拔矢

鳳臺縣志 卷之五 宦蹟

復戰以功授肅銳指揮使契丹入中原萬超屯潞州率本部入府署殺契丹偽署使復潞州路經澤州刺史翟令奇堅壁拒命萬超馳至城下諭之曰今契丹北遁天下無主并州劉公仗大義定中土所向風靡盍早圖之令奇乃開門迎納史宏肇即留萬超權澤州事漢主劉暠遂以為刺史連移斬登二州所至有善政

後周史延韜為澤州刺史有直政去之日軍民遮圍不放行并截下馬鐙經三日後延韜乃夜開城門赴闕

宋裴德裕聞喜人雍熙間出 澤州清廉不擾官至少府

監

宋選字青萬平棘人參政綬之從弟知澤州軍事博雅好古境內碧落山有唐磨崖篆書石刻郡儒劉義叟恨未通識攜楮本之京因宋景文始能盡通郎簡所讀貽選選命從子敏求以隸書作釋刻於郡之公廨

宋昌言字仲謨平棘人綬之從子以蔭爲澤州司理參軍州有殺人獄昌言疑其寃堅請緝捕果得真犯置之法寃獲雪官至少府監

楊謨字次典洛陽人熙寧間以進士釋褐紹聖初提點澤

鳳臺縣志

卷之五

宦蹟

十三

州刑獄明於聽斷多所平反受代時與寮屬登高宴游題咏多可傳頌仕終河北安撫使

陳堯佐字希元閬中人省華子堯叟弟也端拱中進士及第真宗景德時徙河東路轉運使以地寒民貧仰石炭以生奏除其稅又減澤州大礦冶鐵課數十萬皆言利者所不爲也嘗劄奏修治太行險道建碑於天井關累官至集賢殿大學士

王昭遠冀州阜城人父繼升觀察因昭遠形質魁梧色黑名之曰鐵山少有膂力善騎射事太宗於藩邸特蒙親

遇常呼其小字及卽位補殿前指揮使以軍功授澤州團練使累官至保靜軍節度使充天雄軍節度使知府事卒贈太尉諡惠和

李昭遘字逢吉饒陽人宗諤從子性和易不忤物能守家法幼時楊億嘗過其家出拜命賦旣成億曰桂林之下無雜木非虛言也後薦之召試授館閣累遷陝西轉運使度支判官使契丹還除坐家僮盜遼人銀盃降知澤州初陽城冶鑄鐵錢民冒山險輸礦炭苦其役爲奏罷鑄錢百姓德之又言河東鐵錢真僞淆雜不可不革尋

鳳臺縣志

卷之五

宦蹟

十四

復直史館知陝州終天章閣待制

呂公孺字穉卿壽州人夷簡季子任爲奉禮郎賜進士出身判吏部南曹占對詳敏仁宗以爲可用使知澤州歷穎廬常三州遷知開封府爲政明恕擢戶部尙書以病提舉醴泉觀卒年七十公孺廉儉與人寡合嘗護曹僧喪得厚餉辭不受論者清其節焉

李之才字挺之青社人天聖八年進士初權共城令再調孟州司法參軍改大理寺丞爲緱氏令未行會石延年與直學士吳遵路調兵河東辟之才爲澤州簽署判官

澤人劉義叟從受歷法世稱義叟法遠出古今上有楊
雄張衡所未喻者實之才授之在澤轉殿中丞丁母憂
甫除喪暴卒於懷州官舍慶歷五年二月也歸塋青社
邵雍表其墓有曰求於天下得聞道之君子李公以師
焉

呂大忠字進伯大防兄藍田人登第後爲華陰尉嘉祐中
任晉城令剛毅質直爲治有聲嘗與契丹議邊地獨持
體以理折之進寶文閣待制知秦州時馬涓以進士舉
首入幕府自稱狀元大忠謂曰狀元云者及第未除官

鳳臺縣志

卷之五

宦蹟

五

之稱也旣爲判官則不可今科舉之習旣無用修身爲
已之學不可不勉又教以臨政治民之要涓自以爲得
師焉謝良佐教授州學大忠每過之聽講論語必正襟
斂容曰聖人言行在焉吾不敢不肅紹聖二年加寶文
閣直學士元祐時與章淳會布不合降待制致仕卒詔
復學士官

李用和字審禮杭州人章懿皇太后弟仁宗時授寧州刺
史歷遷澤州團練舊制刺史以上所賜公使錢得私入
而用和悉爲軍費累兼侍中卒贈太師隴西郡王諡恭

懿

吳中萬全人至和間知軍州事時學校久廢民多不喜儒術境內貢舉五六十年無一人登第者中爲移建學宮聚徒養士以東里學規教授之習俗一變

程顥字伯淳由中山博野徙河南宋治平四年爲晉城令在縣三年去之日民哭聲振野嘗曰縣之政可達於天下一邑者天下之式也座右書視民如傷四字云某每日常有愧於此民有事至縣者必告以孝弟忠信入所以事其父兄出所以事其長上度鄉村遠近爲伍保使

鳳臺縣志

卷之五

宦蹟

六

之力役相助患難相恤而姦僞亦無所容凡孤寡殘廢者責之親戚鄉黨使無失所行旅出於其塗者疾病皆有所養設鄉校四十餘所時親至召父老與之語兒童所讀書親爲正句讀教者不善則爲易置擇子弟之秀者復聚而教之鄉民爲社會爲之立科條旌別善惡使有勸有恥乘農隙講武事一時義勇咸爲精兵可用庫有雜納錢數百千嘗借以補助民力爭訟者或不持牒徑至庭下陳白與之從容告語開釋之縣有稅粟例移近邊載往則道遠就糴則價高民以爲苦顥擇富而可

任者預使貯粟於所以待費大省有富民張父死日有老叟踵門曰我汝父也子驚疑莫測相與詣縣叟曰身為醫遠出治疾而妻生子貧不能養以與張顥質其驗取懷中一書進其所記曰某年月日抱兒與張三翁家顥問張是時才四十安得有翁稱叟駭謝去晉城十年後劉立之來爲令見民有聚衆而不析異者問其所以曰守程公之化也熙寧初用呂公著薦爲監察御史裏行哲宗初召爲宗正丞文彥博題其墓曰明道先生嘉定十三年諡純公

鳳臺縣志

卷之五

宦蹟

七

晏知止字處善臨川人平章殊之子元豐中以朝請大夫知澤州知止少從范仲淹孔道輔遊富弼楊察其姊之婿也規仿觀摩早有令譽在州時遵父清儉遺教政事之暇則與僚屬登臨山水游人極一時之盛云

夏侯觀字大臨濟州鉅野人父嶠判吏部選事卒贈兵部尙書伯兄晟駕部員外郎天禧間以進士甲科補澤州觀察推官明決有爲長於律令之學郡屬有疑獄立爲剖晰遷試大理評事安國軍節度掌書記仕終安撫使陳彭年字永年撫州南城人父省躬鹿邑令彭年幼好學

年十三著皇綱論爲江左名輩所賞唐主李煜召入宮
令子仲宣與遊金陵平師事徐鉉爲文太平興國中舉
進士爲宋白所黜雍熙二年始中第任江寧司理參軍
歷灃懷二州推官在懷爲知州喬惟岳倚任會樊知古
爲河北轉運以親嫌徙澤州累仕至兵部侍郎卒贈右
僕射謚文僖

吳中復字仲庶永興人進士及第由天章閣待制知澤州
移河東都轉運使中復樂易簡約好周人之急士大夫
稱之宋史有傳

鳳臺縣志

卷之五

宦蹟

六

劉兼濟字寶臣祥符人以父漢凝蔭補三班奉職擢澤潞
晉絳都巡檢使歲饑太行多盜擒二百餘人歷提點河
東刑獄累仕至諸州刺史

王仲寶字器之高密人少爲吏補章邱尉以捕盜勅授澤
潞等處巡檢使至官方八日獲太行山宿賊八十人累
仕至安撫使左屯衛大將軍

王凱字勝之曾祖全斌祖審鈞永興都監擊賊死遂家京
兆饒於財凱散施結客以馳獵踐民田捕至府時寇準
守長安竒其狀貌上言全斌取蜀有勞而審鈞以忠義

死當錄其孤遂以爲三班供奉晉麟州都監以功領
州刺史拜澤州刺史未幾爲澤州團練使累仕至侍衛
親軍馬軍副都指揮使卒贈彰武軍節度使謚莊恪凱
治軍有紀律恩威并用故士卒畏信前後與敵遇未嘗
挫衄尤篤好於故舊子誠孫晉卿工詩畫

王元字舜弼沂人同學究出身紹聖間知軍州事在任以
德化民案無留牘政多餘暇時與僚佐訪太行名勝稱
觴賦詩風流儒雅爲一時所推

李景章平順人徽宗崇寧間知澤州才識卓越善政宜人

鳳臺縣志

卷之五

宦蹟

十九

民咸德之

王孝廸字舜民瑯琊人以進士知軍州事有惠政入爲吏
部尙書百姓遮道攀留群言後唐節臣裴公死事茲土
未蒙崇祀昭忠祈請於朝孝廸爲劄奏允行牒勅建祠
褒封忠烈侯按宋史孝廸與張邦昌六人同黨爲陳東
所劾不堪列入政績但其官此土事有可傳姑載之
時敦彭門人宣和中爲澤州判官政事詞翰推重一時民
咸有去後之思

陳仲孫字誼成潁川人宣和中以進士管勾神霄萬壽宮

來知澤州時前守王孝迪奏允爲裴侯建祠因循二載
仲孫初被命夢與神接漫不之省下車後披按公牘見
勅牒恍然悟侯之靈異卽爲剏修祠宇繪繡侯像而誅
以祀之其文悲壯淋漓士民聞者皆爲之感泣

趙子晝字叔問燕王五世孫少警敏強記工書翰累官憲
州通判宣和初充詳定九域圖志編修官出知澤州累
仕至徽閣直學士奉祠歸寓於衢之紹興

王士言武舉進士累立戰功宣和初擢河東廉訪使靖康
元年詔以浙西兵往河東防秋會金人粘沒喝攻澤州

鳳臺縣志

卷之五

宦蹟

二十

畢力守禦金兵日增士言分必死他將力屈城西南遂
陷士言乃使親卒持劍歸報巷戰而死康允之上其事
贈拱衛大夫忠州團練使官其後五人

張存字誠之冀州人第進士官龍圖閣直學士知延州以
母老徙澤州累仕至吏部侍郎遷尙書性孝家居於莊
終日危坐未嘗傾側卒謚恭安

金王伯龍潘州雙城人遼東聚黨爲盜天輔二年率衆來
降授銀州累立戰功擢莫州安撫使改知澤州太行群
賊徃徃嘯聚伯龍皆平之進節度使改延安尹時有萬

泉尹牛德昌者循吏也伯龍嘉之禮待甚厚後遷益都尹封廣平郡王

宋雄飛字雲翔真定人由辭科進士任刑部檢法司出爲通判郡事明習法律州有疑難諸獄多所匡正暇日與同僚遊賞勝地每得佳句輒書於壁書法道勁可愛仕至同知汾州事

董師中字紹祖洛州人少敏瞻好學強記皇統九年進士第調澤州軍事判官歷尙書左丞師中工文性通達疎財尙義平居則樂易真率臨事則剛決挺然不可奪卒

鳳臺縣志

卷之五

宦蹟

二

諡文定

左秘字長源薊州人太師企弓之子皇統初知澤州爲政不嚴而治刑獄猥積決遣無留滯平南山之盜草守城繁役秋糧折米代粟費甚省在任三年清儉自處吏民畏而愛之累任至陝西路轉運使封戴國公秘性淡夷好讀莊老年六十一致仕卒於家

許安仁字子靜獻州交河人幼孤刻苦讀書善屬文登大定七年進士第任翰林修撰知制誥以賈鎡薦超授禮部郎中左補闕出爲澤州刺史作無隱論上之凡十篇

日本朝曰情欲曰田獵曰公道曰養源曰冗官曰育材
曰限田曰理財在郡二年徙知河南府陞汾陽節度使
致仕卒諡文簡安仁質實無華澹然有古君子風故爲
時人所稱云

李仲畧字簡之高平人節度使晏之子聰敏力學登大定
十九年詞賦進士以韓州判官遷澤州晉城令尋以太
常博士授左司都事一日奏事退上顧侍臣曰仲畧精
明如俊鶻脫帽又曰仲畧健吏也未幾轉員外郎以親
病求侍特授澤州刺史以便祿養先是晏領沁南節度

鳳臺縣志 卷之五

宦蹟

三

使澤於懷爲支郡父子相繼鄉人榮之後仕至山東西
路按察使卒諡襄仲畧性豪邁有父風剛介特立不阿
權貴臨事明決無留滯故所任以幹濟稱云

楊庭秀字德懋華州人大定中進士泰和初自獻州刺史
移刺澤州政平訟理民用康又雅善文詞註程楊易傳
以平涼府同知致仕自號虎峰居士貞祐初京兆治中
李植脅之爲亂被法

張開賜姓完顏氏景州人至寧末河北兵亂開團結鄉兵
固守遙授青城防禦事屢立戰功與定元年遙授澤州

刺史遷潞州招撫使進昭義軍節度使封上黨公以澤潞沁州隸焉元光元年復取高平及澤州乞升澤沁二州爲節鎮以重守禦詔以澤爲忠昌軍後以兵力不支至於敗

元任立潞州人父尚志元初歸太師木華黎授以虎符充元帥與金兵戰有功金嘗擒其長子如山招之降曰我爲大帥豈愛一子射煢之木華黎徵志議事道經武安爲金人所害次子存亦戰死少子立潞州長官歷澤州尹遷陳州卒按府志載志入宦蹟考元史任志傳以鳳臺縣志

卷之五 宦蹟

三

虎符充元帥收輯山寨不言其官居澤土今存立而刪去志名

普顏帖木兒一名不花至正間爲澤州達魯花赤兼諸軍奧魯事勸課農桑作興學校嚴信牌辨冤獄暇時教民以孝弟節義民多感悅

葉企顏上蔡人至正間以統軍元帥知翼城縣事擢知澤州撫育民生惠澤遠被嘗作居官箴建碑以自勗興學造士綽有政聲

耶律忒末梁丹人父丑哥遼都統國亡死節元初忒末率

衆內附太師木華黎授洛州路元帥以功遷真定安撫使進兵臨澤潞降其民六千餘戶進河北西路安撫使兼澤潞元帥府事壬午致仕退居真定爲武仙所殺段直字正卿晉城人元初授本州長官遷提舉本州舉校事未拜而卒子紹隆嗣見人物全傳載藝文

申甫字崧生澤州人明悟有幹畧善騎射金末兵亂團練鄉勇以自固元大師木華黎畧地至澤甫率衆來歸承制授本州鎮撫提控官時流亡載道甫與長官段直悉招集復業喪亂後人不知學復與直改建學宮購書置

鳳臺縣志

卷之五

宦蹟

二四

膳田迎李用章於河南教授生徒一時通經者百有餘人
事聞遷本州諸軍奧魯長官益都判臣李乙據濟南所至寇掠河東騷動詔甫從諸軍討平之以功授子天祿襲父職會併省諸司冗員遂致仕卒於家

王仲祥字利貞繁峙人性寬和與物無忤大定初以律學爲州判官守喜刻覈嚴以御下百姓多畏其猛厲仲祥多方救正以惠澤及於民

劉復亨字咸通棣州人至順三年任州同知興學進士德政載於口碑延祐間推察晉寧復按部來澤敬謁天井

關孔子廟至松嶺寺一題詩於壁士民愛之爲勒石以誌去思

秦景祚高平人初爲平原教授以經術訓諸生風化大振陞晉城令治奸辨誣政聲四達時稱循吏後家居七年朝論高之擢史館編修遷諭德

張緝字士明膠州人性孝友能詩文與兄弟神經同領薦薦授澤州儒學正教士以德行爲先從遊者多尙實學轉秦州幕職棄歸養親居揚州兵亂賊入卧內刺其母緝以身蔽中槍而死

鳳臺縣志

卷之五

宦蹟

二五

皇甫琰字邦瑞東平人一作襄垣人至元中以薦舉任澤州達魯花赤以儒雅爲治交游多知名士增修天井聖文廟勒石記其事政事之暇多吟咏其佳句率清俊致

賈問字兼善西域人家上虞領至正壬寅鄉貢以薦授嘉興路儒學教授擢澤州達魯花赤以興修學校爲已任增葺文廟時元末兵亂去官歸著詩若干首多可傳頌普顏帖木兒字孟堅至正間任達魯花赤與知州南鵬翼字飛卿協恭任事以清勤立政爲河東最公餘之暇董

率僚吏講經讀法改建程明道祠移之爽塏士民均
之

李祥湖廣人洪武初以人材知澤州時干戈甫定城郭
蕭然乃建州治修學校屢興大役民不稱勞招集流離
延師訓士民漸復業時號廉能

鹿久徵定興人進士官御史疏救馬經綸請與諸臣同罪
疏入貶澤州判官疏中列名凡數十人悉奪俸

王堅福州人洪武間以人材知澤州蒞事勤慎化民有方
興學校以培士習州人稱之

鳳臺縣志

卷之五

宦蹟

二六

鄭可權睢州人洪武間任澤州學正文采風流聲稱藉藉
曾兩主山西鄉試

甯靖湯陰人成化間舉人以蘇州推官遷澤州愷悌慈祥
清慎可法民有訟者必反復譬喻使之自改不輕答一
人嘗需菜和藥民有獻者必厚償之其廉介多類此

陸偉字仲奇錢塘人成化乙酉鄉薦知澤州值歲大飢
發帑賑卹全活者甚衆州多宗室勢暴橫有和買併
之害祿給不時州守必得奇辱偉皆力抗不撓坐是誣
奏他事詔使來讞民衆號冤得白寧山衛軍民雜處久

不靖備以德威遂寧帖嘗謂明道先生非循吏之比特
新其廟貌以崇祀典尋致仕歸卒年八十九

李智曹州人家宰秉子宏治間以舉人知澤州廉勤公恕
抑暴扶良聲名藉甚士民思之

馬汝驥字仲房綏德人正德十二年進士官庶常武宗南
巡上疏極諫跪闕下五日受杖降知澤州時宗室暴橫
屢裁以法王以書來請投置櫝中比事釋王遣使來謝
乃於櫝取還原書實未嘗啟也王自是弗復私請陵川
有貪令巡按御史曲庇之不聽竟褫其官嘉靖初復還

鳳臺縣志

卷之五

宦蹟

二七

職去任州民攀轅宗室亦祖帳郊門外遷侍讀學士卒
贈尚書諡文簡

崔哲遼陽人正德間以進士知澤州毀淫祠廣儲蓄尤愛
獎進後學課試皆有程期

王鍵永平人正德間知澤州革除宿弊聽訟公平明恕決
斷如流未嘗壅滯人服其敏

王朝雍朝邑人嘉靖間舉人以嚴州推官擢知澤州本寬
厚爲政歷三載人蒙其惠適巨寇陳卿據青羊山反援
兵征勦陷賊中凡二十七日諭以禍福順逆之理賊衆

屈服竟勦平之百姓安堵陞懷慶同知

顧顯仁字體菴武進人隆慶初以進士知澤州爲政明敏甫入境卽繕完城郭臺堡先是北城無樓顯仁以爲北方元首乃剏建之置常平等倉以廣積貯爲民均徭役民獲蘇息書院諸生或無資膏火者買山場田廬園地若干區其租課俾山長得時其出納而周給之州舊無志剏採輯成書其勇於任事類如此

許維新堂邑人萬歷間知澤州衣大布之衣食藜藿之食出外不設騶御戴星坐堂爭訟者片言判斷賑荒療疫

鳳臺縣志

卷之五

宦蹟

二六

流民願受屢焉暇日引諸生童子說書修程伯子遺事由是群知嚮學程王允成諸賢其選也去之日士民老幼攀號三日始得出境官終戶部侍郎

賀盛瑞獲嘉人萬歷間以進士官工曹爲內監中傷出備兵鄜延降知澤州樸誠清正不畏彊禦在官之日興學校以鼓士氣減稅糧以蘇民困修城郭以備禦防省繁費以貯財用獎節義以厚風俗凡民社大典弗辭勞怨必盡其心以疾歸士民思之爲立祠以祀

傅淑訓孝感進士萬歷間任澤州博雅好古績修郡乘

遷員外郎出知平陽府遷按察司僉事晉省提學使
王所用字賓吾河內人萬歷末自福寧調澤州澤俗剛悍
治當尚猛所用獨馭以寬豪強者初易視之久悉馴服
聽訟時恣民所欲陳旣而爲說利害兩造皆輸服惻隱
之心可掬以示人民無良猾輒相率和解以去州有大
獄張自安等二十餘人已定擬矣廉其寃力爲昭雪得
白十二三庾死配以下減者復無筭又葺張公書院建
東西齋集士子肄業其中復以時察其勤惰加獎激後
陞任去士民爲生祠以祀之

鳳臺縣志

卷之五

宦蹟

二九

宋思涇陽人萬歷間以貢士授澤州學正巵使者謁廟零
雨霑衣將拜於堂上思抗聲曰拜下禮也御史竦然復
位課諸生勤敏有法度泮水宮牆歲時次第修舉後遷
肅府教授王以師禮事之

王孕長澤州守北直吳橋縣人崇正四年來守澤值流寇
徧掠四境乃備戰守計日夜禦敵時寇自關陝渡黃河
入晉長驅千里連陷多邑殺人盈野風鶴皆驚澤故無
兵卽衛署亦僅存空籍秉鉞者鞭長莫及監司者空拳
莫奮一二弁流尾賊而不見賊驚賊而不殺賊援兵絕

望獲剩孤城大鎮累屠烟寒萬井守躬率宗紳士庶經營城守規畫詳明舉夫搜奸究卹戍士慎刁斗嚴偵探皆確有成算如招集健兒則偵防有人設四鄉練營則郊圻生色創新營千兵則追賊大戰積勞成病仍支床城上部署惟勤旣而賊去兵來中貴總戎接踵而至索餉如虎毒害如狼其視州牧不啻几「肉守妙有窾會俾均爲我援守之用不合怒亦不合喜事以濟而軍以行雖所費不貲皆宗紳士庶捐於常賦之外者四載拮据十七禦寇遷河南郡守去嘗作愛錢歌揭示通衢不副死闖難澤人至今肖像祀之

鳳臺縣志

卷之五

宦蹟

三十

事修飾而言絕痛切販夫餅婦皆爲感動後以河南寧副死闖難澤人至今肖像祀之
黃圖昌字九如山東沂州人崇正間以進士知澤州徵收賦役有以羨投者榜示之悉抵次限正供性重儒術課士論文輒娓娓不倦城之東南隅爲建奎星樓庚午秋州獲雋五人元亦出於屬縣論者咸歸功焉尋以艱去任士民泣送百餘里相傳爲明三百年第一賢守云

徐芳字仲光南城進士生有異骨爲文特剗闢不同於人亦無能同之知澤州性明敏好獎育人材士以經其

品題爲幸時父已年老迎養官舍每於治事堂後闢芳
聽訟合宜則喜或有不當卽譙讓弗怒芳跪受教以是
臨政益慎事事平允甫一載以艱歸士民如失父母甲
申變後棄家遠遊以緇衣終著懸榻集

國朝袁仲選遼東人順治七年以貢士知澤州姜逆大同
之變州城爲賊據聞 大兵將臨遁去仲選單車泣任
招集流亡間并始晏然比 大兵至以州人從賊議欲
殲雍之仲選冒白刃下哀請再四願以百口保其無辜
主者曉澤人曰吾以爾使君免爾死爾其服使君教以

鳳臺縣志

卷之五

宦蹟

三

無忘朝廷之德澤人歡呼曰不敢忘由是家爲尸祝朝
夕跪拜遂醵錢建報恩祠未幾遷知潞安府士庶攀號
莫及復立堆金會爲五月饗賽資凡五晝夜男女絡繹
拜堦下今廟祀百餘年久而弗替云

官于宣字雪眉性廉潔到官携一二蒼頭入城放衙後惟
與仁賢相對絕去崖角談詩論文外稍有干預又不可
得也嘗云爲政當察理驗情若參以己意人言便生障
闕故訟庭每得簡靜之樂雨造赴審從弗遣人入鄉僚
屬亦無敢輕受一詞者會軍興行間架稅調劑得中民

優之直創設提調以司四門尋以撫提構怨牽連罷官
莫不竄惜後立祠郊南置田供祀

倫可大字子受永平監生康熙中知澤州寬厚爲政歷十
年陽城鹽商與梟民構難互相殺傷梟衆圍城澤人李
俊奎實爲首惡遂同叅將前往訪擒梟徒與官兵格鬪
二人俱被石傷大中丞聞其變會知總鎮進勦可大力
爲哀請止其兵曉示梟民以次投首及被擒者止六十
餘人置之法良民獲免株連立祠祀之卒以失職去官
陶自悅常州進士康熙間出知澤州能文章修輯州志較

鳳臺縣志

卷之五

宦蹟

三

舊時特詳歲歉酌量出常平米通濟治多淹柩勒葬之
俗逢旱有惡習將新產婦人指爲旱魃用水澆潑致傷
身命者申請定罪勒石永禁時州因鹽梟生事後議加
弁兵自悅力陳不便事遂寢以疾告休從祀名宦

佟國瓏鑲白旗人康熙五十一年任澤州政尙寬和與民
相安凡州治營建以次修舉甃城郭濬城隍經理三門
月城起城北樓期年而功成與僚佐紳士宴飲憑眺以
樂之初任時踰年將以呈誤去民數千人攀留上請復
其任在任凡八年

劉毓岳河南商邱人澤州知州泣事剛決有妖巫煽惑
爲變計擒之伏辜間并帖然時升州爲府卽以毓岳知
府事建普濟堂有續州志四冊後爲河東觀察

許日熾海陽進士由解州刺史移署澤州府事性慷慨能
負荷任僅二載許而於治所公事多爲經久計不避艱
難如建鳳臺縣署葺試院移建關侯廟春秋閣立社會
以招徠商賈復續郡志未成去去之日民庶遮道送者
壺漿百餘里後官侍御出爲泉州府知府

劉綖煜山東諸城人乾隆十四年以舉人知鳳臺縣剛介

鳳臺縣志

卷之五

宦蹟

三

無阿曲常賦之外一塵不染民間諸徭役概予豁免時
議修治天井關道路荷踵而往者日以數千計綖煜馳
至途次叱令散去曰農事方殷吾不忍令爾輩失業也
遂力白於當事以爲山水瀑漲徒勞無益會屈其議而
止未幾以疾引歸距今二十餘年父老記其事者皆追
而思之

穆丹字荔惟濛洲正藍旗人乾隆辛未科進士自隰州牧
來署府篆邑有大猾聶全結吏胥爲姦樊山開採煤炭
獨霸其利百
里內無敢與競者勢豪橫不可制丹訪緝

之全潛逃入都具呈農部願援熱河煤廠例歲納課稅
獨占山西一省煤洞丹臚列其惡狀上聞全獲遣戍
百姓無不稱快

孟自強文水人以進士官南康知縣改澤州府教授性揮
豁喜客好施而惡惡最嚴一隸人子應童試力攻之啗
以數百金拒不納令爲宛轉請亦終不從時屆鄉闈積
俸五十金分貸貧士以爲資或富而黠者給取之後知
其故曰緩急人所時有安在其欺我也其他坦白無阿
多類此

鳳臺縣志

卷之五

宦蹟

三四

鳳臺縣志卷之五終